

影印
文淵閣

四庫全書

影印

文淵閣四庫全書

第四八八冊

北京出版集團公司
北京出版社

本册目次

景定建康志(二)

卷首

宋 周應合撰……………一

欽定四庫全書

史部

景定建康志卷二 首至

詳校官監察御史臣沈孫璉

檢討臣德生覆勘

總校官檢討臣何思鈞

校對官中書臣張曾炳

膳錄監生臣陳燦

欽定四庫全書

史部十一

景定建康志

地理類三 都會郡縣之屬

提要

臣等謹案景定建康志五十卷宋周應合撰

應合武寧人自號溪園先生舉淳祐間進士

官至實錄院修撰以上章劾賈似道謫饒州

通判是書乃其以承直郎差充江南東路安

撫司幹辦公事時所作也宋自南渡後建行

欽定四庫全書

景定建康志

宮於金陵改為建康府高宗嘗駐蹕其地設

江南東路安撫司以治之為沿江重鎮乾道

慶元時屢輯地志而記載尚多闕畧景定中

寶章閣學士江東安撫使知建康府馬光祖

始屬應合取舊志重加刪定增入慶元以後

之事正訛補缺別編成書凡分疆域山川城

闕官守儒學文籍武衛田賦風土祠祀等十

類援據該洽條理詳明凡所考辨俱見典覈

如論丹陽之名本出建業論六朝揚州常治
建業後始為廣陵一郡之名論金陵埋金之
說為驅人鑿山之術皆極精確可據洵地志
之有體要者也明嘉靖萬厯間是書尚有刊
本在南京國子監見黃佐南雍志中然所存
板止七百五十九面則亦已闕佚不全其後
流傳遂絕朱彝尊曝書亭集有是書跋稱周
在浚嘗語以曾親是書闕本訪之三十年未
得後始從曹寅處借歸錄之蓋亦罕觀之本
矣乾隆四十六年六月恭校上

總纂官臣紀昀臣陸錫熊臣孫士毅

總校官臣陸費墀

郡有志即成周職方氏之所掌豈徒辨其山林川澤都
鄙之名物而已天時驗於歲月災祥之書地利明於形
勢險要之設人文著於衣冠禮樂風俗之臧否忠孝節
義表人材也版籍登耗考民力也甲兵堅瑕討軍實也
政教修廢察吏治也古今是非得失之迹垂勸鑒也夫

如是然後有補於世郡皆然况陪都乎昔忠定李公嘗
言天下形勝關中為上建康次之自楚秦以來皆言王
氣所在句踐城之六朝都之隋唐而後為州為府為節
鎮為行臺五季僭偽明消實開吾宋混一之基南渡中
興此為根本章往考來圖志宜詳於他郡而乾道有舊
志慶元有續志皆畧而未脩觀者病之慶元迄今逾六
十年未有續此筆者寶祐丁巳光祖蒙恩來司留鑰因
閱前志編摩在念一年而勤民二年而整軍三年而易

閬荊州未暇也已未重來汲汲守禦補尺籍治戰艦備器械固城池日不暇給未幾鼓柝驚濤風餐露馳於舒靳江黃之間往復無慮數四元勳振旅長江肅清光祖始得以休于郡興滯補弊之餘爰及斯文有幕客周君應合博物洽聞學力充贍舊嘗為江陵志紀載有法乃以是屬之開書局于郡圃之鍾山閣下相與研古訂今定凡例而裒篇帙先為留都錄四卷隆炎創興之盛宮城建置之詳與夫雲漢昭回之章皆備錄焉揭為一書

欽定四庫全書

景定建康志
卷首

二

之冠冕其次為地理圖為侯牧表為志為傳合為五十卷表起周元王四年越城長干之時以至于今千七百載年經類緯曰時曰地曰人曰事類之所由分也志凡十一曰疆域二曰山川三曰城闕四曰官守五曰儒學六曰文籍七曰武衛八曰田賦九曰風土十曰祠祀傳凡十一曰正學二曰孝弟三曰節義四曰忠勲五曰直臣六曰治行七曰耆舊八曰隱德九曰儒雅十曰貞女大畧備矣始于三月申子成于七月甲子獻之天子王

音嘉馬用不敢閱傳之無窮補其闕遺續其方來則有望於後之君子景定辛酉良月初吉觀文殿學士光祿大夫沿江制置大使知建康軍府事兼管內勸農營田使金華郡開國公食邑三千戶食實封六百戶馬光祖書

進建康志表

臣光祖言鍾阜帝王之宅忝備居留職方土地之圖輒成紀載敬裒竹簡冒徹楓宸臣光祖惶懼惶懼頓首頓首竊以紘蓋東南勢雄建業青山表裏景似洛陽吳晉

欽定四庫全書

景定建康志
卷首

三

以來皆號京畿秦楚之間已占王氣洗前日六朝之陋肇吾宋萬世之基歷數有歸太陽升而燭火熄神武不投膏澤下而江水清爰重昇州遂開節鎮嘉祐之進大國龍飛猶軫於初潛紹興之創新宮馬渡喜逢於再造發天作地藏之勝著祖功宗德之隆建邦設都非列城之能擬詔今傳後豈鉅典之可虛臣叨佩玉麟密瞻銅鳳職在承流而宣化法當章往而攷來閭閻治八年而重臨昌報恩徽之厚圖經三歲則一上敢違令甲之嚴廼

選模條恪修郡乘揭琅邪而首錄昭弁冕之常尊諸地

諸邑諸城繼加詮次十表十志十傳序列編摩四八萬

言皆聚此書千七百禩如指諸掌辨山林川澤之名物

粹衣冠禮樂之風流善有勸而惡有懲往者過來者

續茲蓋伏遇皇帝陛下性明日月道整乾坤帝書九丘

言九州聖學夙深於稽古天下一日行一遍遠模蓋得

於傳家運藝祖仁皇高宗之心兼創業中興太平之事

既徹疆於江表行復竟於關中臣未能刊浯溪之碑且

欽定四庫全書

欽定建康志

四

此效雍州之錄漢光投戈講藝願益恢輿地之披周宣

備器修車何但美東都之會所有新修景定建康志五

十卷計四十六冊謹隨表上進以聞臣無任瞻天望聖

激切屏營之至臣光祖惶懼惶懼頓首頓首謹言景定

二年八月日觀文殿學士光祿大夫沿江制置大使知

建康軍府事兼管內勸農營田使江南東路安撫使馬

步軍都總管行宮留守節制和州無為軍安慶府三郡

屯田使暫兼淮西總領金華郡開國公食邑三千戶食

實封六百戶臣馬光祖上表

獻皇太子牋

右光祖伏以龍盤勝地叨分居守之符鶴禁麗天輒獻

職方之乘既先塵於丹宸敢繼徹於青闌光祖惶懼惶

懼叩頭叩頭惟建業之名區實仁皇之潛邸前收圖於

開寶聰明神武不殺者天後駐蹕於建炎險阻艱難備

嘗之矣再造中天之業永垂萬世之基光祖筦鑰才卑

晁旒恩大承流宣化敢忘載筆之勤考古訂今庶遂闕

欽定四庫全書

欽定建康志

五

文之備恪遵著令悉上送官茲蓋伏遇皇太子殿下恭

敬溫文賢聖仁孝行必正道宮中常務於觀書建以元

良天下咸安於主器凡屬乾坤之內宜周日月之明光

祖俯效編摩仰裨省覽星重輝海重潤益綿景祚之隆

車同軌書同文行復輿圖之盛所有新修景定建康志

四十五冊謹隨牋上獻瞻望宮庭下情無任激切屏營

之至光祖惶懼惶懼叩頭叩頭謹牋景定二年八月日

具位馬光祖上牋

景定修志本末開慶己未春三月裕齋先生金華郡公以大制帥再尹留都請于朝以京湖舊幕客周應合充江東安撫使司幹辦公事兼明道書院山長編程子書畢明年六月命饒師于池陽又明年二月趣還建康甲寅應合至自池陽拜公玉麟堂公命之曰建康大都會也自慶元而後圖志未續實大闕典而慶元以前之書紀載甚畧不無舛訛圖志三歲一上法也吾再至此又及三年將成此書而丐歸焉屬筆

欽定四庫全書

景定建康志

六

于子母遜應合避席曰留都鉅典當屬之大手筆應合淺學謏聞不足以辱隆委敢頓首固辭公曰子嘗修江陵志矣圖辨表志粲然有倫輕車熟路今何辭焉襍節適逢甲子宜以是日開書局于鍾山閣下即葉石林紬書之舊所也速為之及吾未去以前成書可也應合稟命而退時有疾未愈欲少俟調理徐受條教而劄命沓至矣入局修纂謹如甲子之期則請于公曰舊志二百八十板所記止於乾道續志二百

二十板所記止於慶元慶元至今所當續者六十餘年之事不敢略亦不敢廢前志也公曰乾道慶元二志互有詳略而六朝事迹建康實錄參之二志又多不合今當會而一之前志之闕者補之舛者正之慶元以後未書者續之方為全書況前志散漫而無統無地圖以考疆域無年表以考時世古今人物不可泯者行事之可為勸戒者詩文之可以發揚者求之皆闕如也子其用江陵志之凡例彙而輯之脩前志

欽定四庫全書

景定建康志

七

之所未脩此吾所望也應合又請于公曰謹奉教矣而未可以速成也慶元續志之作實因朱舜庸金陵事類之編舜庸郡人也其編猶積二十稔而後成况非郡人者乎况欲合前後而修為全書乎願寬以歲月廣招局官與郡之士友而共成之公不許應合乃條上四事一曰定凡例應合昨修江陵志為圖二十附之以辨其次為表為志為傳為拾遺所載猶不能脩建康又非江陵比也自吳以來國都于此其事固

多於江陵若我朝建隆開寶之平江南天禧之為潜
邨建炎紹興之建行宮顯謨承烈著在留都鳳闕龍
章固宜備錄然混於六朝之編列於庶事之目官府
雜載君臣並紀殊未安也今欲先修留都宮城錄冠
于書首而建康地圖年表次之十志又次之一曰疆域二曰
山川三曰城闕四曰官守五曰儒學六曰文祠七曰風土八曰風俗九曰風俗十曰風俗
次之一曰正學二曰孝悌三曰節義四曰忠孝五曰忠孝六曰忠孝七曰忠孝八曰忠孝九曰忠孝十曰忠孝
貞女傳之後為拾遺圖之後為地名辨表之緯為四

欽定四庫全書

景定建康志

八

曰時

甲子年

曰地

強土分合

曰人

牧守更代

曰事

著成敗得

失之巡以

志之中

各著事跡

各為考證

而古今記詠

各附于所為作之下

凡圖表志傳卷首各為一序而

留都錄之序則請公命筆公皆可之二曰分事任乾

道舊志慶元續志各有規模今用前凡例會而為一

慶元以前之未備者慶元以後之未書者皆欲增修

無闕豈一手兩耳目所能周遍誤承隆委辭不獲命

何敢自有其事竊惟幕府環列儒宗林立所當博師

欽定四庫全書

景定建康志

九

三長共成一書金陵故家文獻所聚者舊英俊尤宜
周詢庶幾憑藉衆力早有成書之期欲乞請官十員
招士友數人入局同共商確分項修纂公不許三曰
廣搜訪纂修既欲其備搜訪不厭其詳自幕府以至
縣鎮等官自寓公以至諸鄉士友自戎帥以至將校
欲從閫府轉牒取會凡自古及今有一事一物一詩
一文得於記聞當入圖經者不以早晚不以多寡各
隨所得批報本局以憑類聚考訂增修其有遠近博

物洽聞之士能記古今事迹有他人所不知者並請
具述從學校及諸縣繳申其閥閱子孫能收上世家
傳行狀墓誌神道碑及所著書文與先世所得御札
勅書名賢往來書牘並請錄副申繳具山巔水涯古
今高人逸士有卓行而不求聞達者亦請冥搜詳述
以報本局其有聞見最博考證最精者當議優崇諸
吏民父老中有能記憶舊聞關於圖志者並許具述
實封投櫃置府門三日一開類呈其條具最多而

事迹皆實者當行犒賞公皆從之行牒及榜四曰詳
叅訂切惟諸司幕府叅佐賓僚學富才宏皆應合所
願求教然望尊職重有非書局所敢一一屈致者容
應合每卷修成初藁各以紫袋封傳諸幕悉求是正
其未當者與未盡者各請批注行間以憑刪修次藁
再以紫袋傳呈如初俟定本納呈鈞覽仰求筆削然
後付之鋟梓仍乞選差局吏兩名分管書局事務書
吏十名謄類草藁書寫板樣客司虞候四名以脩闕
欽定四庫全書
景定建康志
卷四
十一
借文籍傳呈書藁等用公皆從之越一月應合又請
於公曰成書之期既不可緩修書之事浩若望洋應
合自入局以來主一無適夜以繼日疲精書傳極力
丹鉛修書之藁未半刻梓之匠已集既同官之難屈
非隻手之可辦有長子天驥見為淮西總所催運官
欲乞移文總所給假數月專在書局為檢閱校讎之
助有壻吳疇見為安豐六安縣主簿亦留總幕乞令
往來為助公從之凡纂一事必稟命於公每成一藁

必取正於公夜考古書朝訂今事右分編藁左付刻
梓自楔節以來周兩甲子而大略粗備若留都錄四
卷地理圖及地名辨一卷年表十卷官守志四卷儒
學志五卷文籍志五卷武衛志二卷田賦志二卷古
今人表傳三卷拾遺一卷此皆乾道慶元兩志之所
無而創為之也若疆域志三卷山川志三卷城闕志
三卷祠祀志三卷因前志之所有者十之四增其所
無者十之六合為五十卷凡一千六百餘版印標為
二十四冊外目錄一冊上之閫府其書板首尾九百
九十四片為厨架五所鑰而藏之紬書堂中選書吏
以掌其啓閉每卷每類之末各虛梓以俟續添固未
敢以為成書也嘗聞南軒先生因修郡志而示訓曰
削去恠妄訂正事實崇厚風俗表章人才是編也於
前之八字無能為役於後之八字或庶幾焉雖然金
陵自有城邑以至于今千七百年王伯廢興之故山
川風景之殊國都城市之變遷田里民物之登耗忠

臣義士之遺烈洪儒騷客之流風衣冠禮樂之隆汙

典章文物之因革所以興感慨而寓勸戒者豈五十

卷之圖書所能盡其紀載而兩甲子之日力所能畢

其編摩也哉姑以奉公之命而不敢怠於其職耳昔

司馬文正公之修通鑑也粹千三百六十二年之事

為三百五十四卷之書聚諸賢之助閱十有九年而

後成猶曰歲月迫趣缺謬不能自保今之所修即志

耳既無司馬公之學力又無書局官之衆力且未有

欽定四庫全書

景定建康志

卷首

十九年之日力而欲記千七百年之成敗得失於五

十卷書之間其為缺謬何可勝言刊而正之姑有望

於後之君子云景定辛酉歲七月甲子豫章周應合

謹書

欽定四庫全書

景定建康志卷一

宋 周應合 撰

大宋中興建康留都錄一

臣先祖恭惟本朝以仁立國聖聖相承用綿億萬世無疆之休普天之下莫非治迹考之建康為尤著粵自藝祖皇帝應天順人肇造區夏江南底定不戮一人廼即南唐故府為昇州治此蓋創業之遠模而至仁之根本也肆于真宗皇帝篤生聖嗣封國于昇尹茲東土府號

欽定四庫全書

景定建康志

卷一

江寧其後入繼大統是為仁宗皇帝德侔天地道久化

成此蓋太平之盛典而至仁之充周也至我高宗皇帝

復受天命再造鴻業翠華南渡首幸江寧廼即府治以

建行闕卑宮克儉不忍勞民洋洋聖謨啟佑我後此蓋

中興之不基而至仁之延續也迨移蹕錢塘世命重臣

留守于茲後百三十五年臣疊叨誤恩洊司留鑰人微

責重懼弗勝任惟忠惟實圖報萬分凡所以興滯補弊

撫軍恤民布宣聖天子之深仁厚澤以固藩籬而護堂

景定建康志卷首

與者一事不敢苟且一刻不敢暇逸力之所至粗無廢事惟府志一書尚為闕典雖乾道有舊志慶元有續志而紀載疎略不無謬訛自慶元以後六十餘年間未有續其書者所部諸郡圖志略備而都會之府獨闕無以章往考來非所以隆陪京而脩文獻臣實懼焉矧稽之今甲有諸郡圖志三歲一來上之文蓋將以考修廢而驗興除也臣之再至歲又及三志而上之茲惟其時於是選委官屬臣周應合置書局于府廨鍾山閣下相與

欽定四庫全書

景定建康志

二

考古訂今凡四閱月修纂成書為圖凡十有五

曰龍盤虎踞形

勢圖曰歷代城郭互見圖曰建康府境方括圖曰金陵建康府部圖分上下曰府城圖曰府治圖曰上元縣圖曰江寧縣圖曰句容縣圖曰溧水縣圖曰溧陽縣圖曰江浦縣圖曰明道書院圖曰青溪先賢堂圖為表

凡千七百年以侯牧表起周元王四年為志凡十城二曰疆

山川三曰城關四曰官守五曰儒學六曰文祠七曰武衛八曰田賦九曰風土十曰祠祀為傳凡三

卷而圖之後有辨傳之後有拾遺志之中各著事迹各為考證若圖若辨若表皆舊志所未有而創為之若志若傳因舊志而刪修者十之四增其所無者十之六合

為四十有六卷皆府志也又有大於府志者宮城建置之詳隆炎創興之盛備錄宜也而舊志所載不過數行顧以鳳闕龍章雜書於六朝之編混列於庶司之目甚非臣子尊君之意臣尤懼焉謹於未成府志之先恭修留都錄四卷行宮為卷之一建隆以來詔令為卷之二建炎以來詔令為卷之三御書御製為卷之四又有詔札不獨繫於建康而守臣立石于此者則錄於第四卷末揭為一書之冠冕昭如日星萬目共覩皆知大分之

欽定四庫全書

景定建康志

三

有常尊留都之有鉅典凡厥庶民是彛是訓以近天子之光則於宣德流化未必無小補云景定二年歲次辛酉六月吉日觀文殿學士光祿大夫沿江制置大使知建康軍府事兼管內勸農營田使江南東路安撫使馬步軍都總管行宮留守節制和州無為軍安慶府三郡屯田使暫兼淮西總領金華郡開國公食邑二千六百戶食實封六百戶臣馬光祖頓首頓首謹書

年月日

行宮記載

開寶七年冬十月藝祖皇帝謂臣曹彬曰南方之事一以委卿切勿暴虐生民務廣威信使自歸順八年十二月彬上露布江南平詔置昇州

天禧二年二月真宗皇帝詔以昇州為江寧府冊命皇太子行江寧尹充建康軍節度使進封昇王

嘉祐四年四月翰林學士臣胡宿言於仁宗皇帝曰陛下建國於昇宜進昇為大國無得封上從之

欽定四庫全書

景定建康志
卷一

四

建炎元年尚書右僕射兼中書侍郎臣李綱言於高宗皇帝曰天下形勝關中為上建康次之宜以長安為西都建康為東都各命守臣葺城池治宮室積糗糧以備臨幸則天下之勢安矣上出其章付中書衛尉少卿臣衛膚敏言建康實自古帝都外連江淮內控湖海為東南要會之地宜急趣下嚴詔夙期東幸中書舍人臣劉珏亦言金陵天險前據大江可以固守廷臣率附其議而伯彥潛善主幸東南二年五月上至江寧府駐蹕神霄

宮詔改江寧府為建康府三年閏七月上發建康如浙西紹興二年上命江南東路安撫大使臣李光即府舊治修為行宮臣光乞增創後殿上許之六月以圖進呈上曰但令如州治足矣若止一殿雖用數萬緡亦未為過必事事相稱則土木之侈傷財害民何所不至象箸之漸不可不戒由是制度簡儉不雕不斲得夏禹卑宮室之意六年六月右僕射臣張浚謂東南形勢莫重於建康實為中興根本奏請聖駕以秋冬臨幸建康七年三月辛未上至建康十一月上謂張浚曰朕來建康行宮皆因張俊所修之舊不免葺數間小屋為寢處之地當與卿觀之初不施丹雘蓋不欲勞人費財也八年正月上將還臨安叅知政事臣張守言曰陛下至建康席未及煖願少安於此以繫中原之心臣趙鼎持不可壬戌上召張俊至宮中諭之曰朕來日東去卿在此無與民爭利勿興土木之工俊悚息承命俊見地無磚面再三歎息上曰此事非難但艱難之際一切從儉庶少紓民

欽定四庫全書

景定建康志
卷一

五

力朕為人主雖以金玉為飾亦無不可若如此非特一時士大夫之論不以為然後世以朕為何如主也癸亥上發建康戊寅上至臨安府遂定都焉三十二年正月上復至建康二月還臨安初上謂輔臣曰將來幸浙西建康宮宇令有司照管它時復幸免更營造以傷民力趙鼎奏曰即令建康府拘收是年中書門下省言建康府已除行宮留守詔應合行事件並依西京留守司體例施行自是江南東路安撫司常兼留守每歲四季月

欽定四庫全書

景定建康志
卷一

六

準令入宮點視留守司屬官一員從之

行宮規制

行宮在天津橋之北御前諸軍都統制司之南

宮門在宮之南皇城南門之北

寢殿在宮之中

朝殿在寢殿之南

復古殿在寢殿之後

羅木堂在復古殿之後

御膳所在朝殿之左

進食殿在復古殿西南

直筆閣在朝殿之右

內東宮在宮之左南位之右

孝思殿在內東宮之後

資善堂在學士院之右

南位在內東宮之左御苑之右

大射殿在御教場之北

欽定四庫全書

景定建康志
卷一

七

小射殿在復古殿西北

天章閣在皇城門內宮門外東南隅與學士院相對

學士院在皇城門內宮門外西南隅與天章閣相對

御教場在軍器庫之南

走馬廊在進食殿之西南隅

御苑在皇城東門之內御馬院之北南位之左

八儼臺在御苑東北

涼館在御教場內

元符間元時敏作記
今刻石在學士院

高齋在宮之東北隅

慶厯間胡宿作記
今刻石在學士院

御輦院在天章閣之後

御馬院在皇城司之左

軍器南北兩庫在走馬廊之前

御酒庫在資善堂之右

御醋庫在御酒庫之右

錢物庫在御教場門之右

內侍省在宮之右軍器庫之左

欽定四庫全書

景定建康志
卷一

皇城司在天章閣之左

皇城周四里二百六十五步高二丈五尺下濶一丈五

尺紹興二年即舊子城基增築

皇城南門正對天津橋御街一直

皇城東門對後軍教場城上有看教樓前有日華橋

皇城西門對江寧縣前大街前有月華橋

東待漏院在皇城門外之左

西待漏院在皇城門外之右

東闕亭在東待漏院之左

西闕亭在西待漏院之右

親事營在東待漏院之左

護龍河分青溪之水自東虹橋下流入河遠皇城東北

西之三隅至西虹橋下與青溪水復合為一

行宮留守

紹興八年以來被命留守者自臣章誼始以江南東路

安撫大使兼領後者因之或為留守或為主管留守司

欽定四庫全書

景定建康志
卷一

公事

章誼

紹興八年二月以端明殿學士安撫大使兼行
宮留守司公事

葉夢得

紹興八年六月以資政殿學士安撫制置大
使兼行宮留守司公事

孟忠厚

紹興十三年正月以少傅節度使信安郡王
安撫制置大使兼行宮留守司公事

張守

紹興十四年正月以資政殿大學士安撫制置
大使兼行宮留守司公事

晁謙之

紹興十五年四月以敷文閣直學士安撫使
兼行宮留守司公事

鄭滋

紹興十八年五月以顯謨閣學士安撫使兼行
宮留守司公事

俞俟

紹興十九年四月以敷文閣直學士安撫使兼
行宮留守司公事

王昫紹興十九年十二月以直秘閣安撫使兼行宮留守司公事

楊愿紹興二十二年四月以資政殿學士安撫使兼行宮留守司公事

王循友紹興二十三年二月以朝散郎主管安撫司公事兼行宮留守司公事

宋貺紹興二十四年五月以敷文閣直學士安撫使兼行宮留守司公事

張燾紹興二十六年二月以寶文閣學士安撫使兼行宮留守司公事

韓仲通紹興二十九年六月以敷文閣學士安撫使兼行宮留守司公事

王綸紹興三十一年三月以資政殿大學士安撫使兼行宮留守司公事

張燾紹興三十一年十月以資政殿學士安撫使兼行宮留守司公事

欽定四庫全書

景定建康志

十

張浚紹興三十一年十二月以特進觀文殿大學士安撫使兼行宮留守司公事

陳俊卿紹興三十二年八月以中書舍人安撫使兼行宮留守司公事

陳之茂隆興元年五月以直徽猷閣主管安撫司公事兼行宮留守司公事

張孝祥隆興二年三月以敷文閣待制安撫使兼行宮留守司公事

呂擢隆興二年十一月以直徽猷閣主管安撫司公事兼行宮留守司公事

汪澈乾道元年二月以端明殿學士安撫使兼行宮留守司公事

王佐乾道元年十月以直寶文閣主管安撫司公事兼行宮留守司公事

陳之茂乾道二年八月以徽猷閣直學士安撫使兼行宮留守司公事

方滋乾道二年十月以敷文閣待制安撫使兼行宮留守司公事

史正志乾道三年九月以集英殿修撰安撫使兼行宮留守司公事

唐瑑乾道六年三月以秘閣修撰主管安撫司公事兼行宮留守司公事

洪遵乾道七年六月以端明殿學士安撫使兼行宮留守司公事

葉衡淳熙元年正月以敷文閣學士安撫使兼行宮留守司公事

胡元質淳熙元年五月以朝議大夫安撫使兼行宮留守司公事

劉珙淳熙二年三月以資政殿大學士安撫使兼行宮留守司公事

陳俊卿淳熙五年十月以特進觀文殿大學士安撫使兼行宮留守司公事

欽定四庫全書

景定建康志

十一

范成大淳熙八年四月以端明殿學士安撫使兼行宮留守司公事

錢良臣淳熙十年九月以端明殿學士安撫使兼行宮留守司公事

章森淳熙十五年八月以朝散大夫安撫使兼行宮留守司公事

余端禮紹熙二年二月以煥章閣學士安撫使兼行宮留守司公事

鄭僑紹熙四年七月以顯謨閣學士安撫使兼行宮留守司公事

張均慶元元年正月以寶文閣學士安撫使兼行宮留守司公事

趙彥逾慶元三年五月以資政殿學士安撫使兼行宮留守司公事

錢象祖慶元四年十二月以華文閣學士安撫使兼行宮留守司公事

吳琚慶元六年閏二月以鎮安軍節度使開府儀同三司安撫使兼行宮留守

李沐嘉泰二年十二月以徽猷閣學士安撫使兼行宮留守司公事

丘室嘉泰四年四月以敷文閣學士安撫使兼行宮留守司公事

葉適開禧二年六月以朝請大夫安撫使兼行宮留守司公事

徐誼開禧三年九月以朝散大夫安撫使兼行宮留守司公事

丘室開禧三年十二月以資政殿學士安撫使兼行宮留守

何澹嘉定元年八月以觀文殿學士安撫使兼行宮留守

楊輔嘉定二年八月以龍圖閣學士安撫使兼行宮留守司公事

欽定四庫全書

景定建康志

十三

黃度嘉定三年正月以朝請大夫安撫使兼行宮留守司公事

劉渠嘉定六年正月以朝議大夫安撫使兼行宮留守司公事

李大東嘉定八年十一月以朝請大夫主管安撫制置司公事兼行宮留守司公事

李珣嘉定十年二月以寶謨閣學士安撫使兼行宮留守司公事

李大東嘉定十二年七月以中奉大夫安撫使兼行宮留守司公事

余嶸嘉定十五年十月以朝議大夫安撫使兼行宮留守司公事

丘壽邁寶慶元年正月以朝議大夫安撫使兼行宮留守司公事

趙善湘寶慶三年二月以中奉大夫安撫使兼行宮留守司公事

李壽朋紹定六年七月以朝議大夫安撫使兼主管行宮留守司公事

陳韓端平元年十月以朝請大夫安撫使兼行宮留守

別之傑嘉熙二年正月以朝請大夫安撫使兼行宮留守

杜杲淳祐二年四月以華文閣學士安撫使兼行宮留守

董槐淳祐四年四月以朝奉大夫安撫使兼行宮留守

趙以夫淳祐五年六月以中奉大夫安撫使兼行宮留守

趙葵淳祐七年六月以樞密使參知政事督視軍馬兼安撫使兼行宮留守

吳淵淳祐九年二月以端明殿學士安撫使兼行宮留守

欽定四庫全書

景定建康志

十三

王埜淳祐十二年二月以寶章閣直學士安撫使兼行宮留守

丘岳寶祐三年三月以寶文閣直學士安撫使兼行宮留守

馬光祖寶祐三年八月以寶章閣直學士安撫使兼行宮留守

趙與憲寶祐六年二月以觀文殿學士安撫使兼行宮留守

馬光祖開慶元年四月以資政殿學士再為安撫使兼行宮留守

行宮匙鑰司

內侍一員掌之 廨舍在西關亭之右

屬官三員